



31. juli 2009

UKA2009/55

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiupparput:

**Utoqqalinermi pensionisiat pillugit Inatsisartut Peqqussutaata nr. 3-ip, 7. maj 2007-imeersup kingusinnerpaamik 2010-imi upernaakkut inatsisartut ataatsimiinnissaanni, 2011-imi atulersussamik allannguutissamik Naalakkersuisut saqqummeeqqullugit peqquneqarnissaannik inatsisartunut aalajangiiffigisassatut siunnersuut, tamatuma kingorna utoqqalinersiutit inooqatigisap aapparissalluunniit isertitaasa kingunerisaanik ikilisinneqarsinnaajunnaassapput, taassuma saniatigut utoqqalinersiat tunngaviusut annerpaat tamanut atuutilissapput kisimiittuuneq, inooqateqarneq katissimasuunerluunniit apeqqutaatinnagu.**

(Inatsisartuni Siumup Gruppia)

**Tunngavilersuut:**

Utoqqaat pillugit politikitta inuup naleqassusia aallaavigaa - tamatumalu toqqissisimaneq pilersissavaa. Sullissinermi pitsaassuseq pingaarnersaatinneqassaaq. Utoqqalinermi nuannersumik qiimasumillu inuuneqarsinnaanissamut periarfissaqartariaqarpoq.

Utoqqaat utoqqalersiuteqalernikkut aningaasatigullu pitsaasunik atugaqarnissaat Partiit tamatta qineqqusaarutigaarput. taamaattumik maannakkut tamakkiullugu utoqqalinersiutitigut atugassarititaasut nutaamik aaqqiissuteqarfigisariaqarpavut, utoqqalinersiuteqarnikkut atugarisat utoqqarnut naligiinnerusumik aaqqiivigalugit.

Siunnersuutigineqarpoq aappariit utoqqalinersiutillit naligiittut pineqalernissaat, aappaasoq isertitaqartillugu aappaasumut nanertuutaajunnaarlugu. Tassa imaappoq ukioq 2009-imut missingersuutit aallaavigigaanni, utoqqalinersiutillit aappariit, kisimiittuttuulli, tamarmik immikkut, ukiumut 116.600,00 kr.-inik akit nikerarnerannut naleqqussaavigineqartartunik ukioq 2011-imiit utoqqalinersiuteqalersinneqassat. Aningaasanut inatsimmi 2011-imi utoqqalinersiutillit tamarmik 3.750 –unissaat ilimagineqarpoq aningaasartuutaasussanullu 342,8 mio.kr. missiliunneqarsimallutik. Siunnersuut akuerineqarpat aningaasartuutit tamakkiisut 437,3 mio.kr.-unissaat ilimagineqarsinnaavoq. Akiliisussaatitaaneq pillugu kommuninut isumaqatigiissuteqarneq naapertorlugu Namminersorlutik oqartussat aningaasaleeqqiutissaat 85 mio. kr. missaaniissapput.

Siunnersuutip	kingunerisaanik	aningaasaleeqqiutissat	Nukissiorfiit
ingerlatseqatigiiffingortinnerisigut	Nunatta	karsianiit Nukissiorfinnut	tunngatillugu
sanaartugassatigut	nunatta	karsianiit	aningaasaliissutaasaraluartut
aningaasalersorneqarnissaat	siunnersuutigineqarpoq.		ilaannit